

ՇԻՐԱԿԻ ԼԵՆԻՆԻ ԱՆՎԱՆ ԶՐԱՆՑՔԸ

Գ. Վ. ՇԻՐԱԶԱՆ

XIX դարի ընթացքում, ինչպես և XX դարի սկզբում, բազմիցս առաջ է քաշվել Ախուր-յանից ջուր հանելու և Շիրակի դաշտի բերքատու հողերը (շուրջ 12 000 դեսյատին, մոտ 13 700 հեկտար) ոռոգելու հարցը: Բանն այն է, որ դաշտը չնայած իր բարեբեր լինելուն, լավ բերք էր տալիս միայն բարենպաստ տարիներին, իսկ չորային տարիներին, որոնք շատ հաճախ էին պատահում, ոչ միայն ապարդյուն էր անցնում գյուղացիության շարքաշ աշխատանքը, այլև հաճախ աշխատավորությունը սովի էր դատապարտվում:

Բերքատվությունը հիմնականում կախված էր ամառվա քամիների ուղղությունից, որոնք փչում էին հացաբույսերի աճման ու հասունացման շրջանում: Առավել մեծ վնաս էին հասցնում Ղարսի անջրդի ու չորային հարթավայրից փչող հարավ-արևմտյան քամիները:

Կովկասի փոխարքային՝ 1896 թվականի ապրիլի 15-ին գրած իր զեկուցագրի մեջ, Կովկասի ջրային տեսուչ Վեյս-ֆոն Վայսինգոֆը գրել է. «Այդ քամիների ժամանակ դաշտավայրի (Ալեքսանդրոպոլի) ամբողջ բուսականությունը սխտեմատիկաբար չորանում է, հողը ճաքճորում է և խոհավոթյունից զրկված հացաբույսերը բոլորովին ոչնչանում են: Հողի մշակության մեջ ազդաբնակչության ներդրած աշխատանքը ամբողջովին կորչում է: Միայն առանձին նախալեռնային վայրերում, շատ քիչ քանակությամբ հողակտորներ (շուրջ մի քանի տասնյակ դեսյատին) ոռոգվում են լեռներից հոսող աղբյուրների ջրերով և այդ տեղերում բերքատվությունը միջակից չի իջնում»¹:

Սակայն, չնայած այդպիսի ծանր դրության, աշխատավորությունն ի վիճակի չէր որևէ բան անելու: Իսկ ցարական կառավարությունից միջոցներ սպասելն անհուսալի էր: Միակ հույսը մնում էր մասնավոր նախաձեռնության վրա, բայց այն ես անհրաժեշտ օժանդակություն չէր գտնում ցարական կառավարության բյուրոկրատ պաշտոնյաների կողմից:

1894 թ. ինժեներ Ազապովը դիմում է նոր կազմակերպված Կովկասի ջրային տեսչությանը ինդերիով իրեն իրավունք տալ կոնցեսիոն կարգով ջուր հանելու Ախուրյանից՝ Շիրակի դաշտի 12 000 դեսյատին (13 700 հեկտար) տարածություն ոռոգման համար: Ինքնրստիքյան հասկանալի է, որ Ախուրյանից, որի հունը շատ ավելի ցածր է, քան ջուր պահանջող դաշտերը, ջուր հանելը և ոռոգման վայրը հասցնելը պահանջում էր մեծ և տեխնիկական դժվարին աշխատանք ու խոշոր գրամական ներդրումներ: Ըստ նախնական տվյալների դեռի վրա պետք է կառուցվեր ամբարտակ և մայր-մագիստրալ առու անցկացվեր մոտ 35 կիլոմետր երկարությամբ: Զրանցքի ղլխամասը նախատեսվում էր կառուցել Ջելար Փեշուտ (Ջրածոր) գյուղի մոտ: Բացի գլխավոր ջրանցքից պետք է կառուցվեին նաև մոտ 70 կիլոմետր բաժանարարներ և ոռոգիչներ:

Նման խոշոր աշխատանքի համար պահանջվում էր, բացի նյութական ու տեխնիկական հսկայական միջոցներից, նաև մեծ գումար՝ մոտ 400 300 ռուբ. ոսկով, այսինքն՝ մի դեսյատինին մոտ 35 ռուբլի:

Ինժեներ Ազապովի ծրագրերը, սակայն, չիրագործվեցին: Ցարական իշխանությունը չէր, որ պետք է լուծեր մի այնպիսի կենսական ու կարևոր խնդիր, ինչպիսին ոռոգումն էր:

Ալեքսանդրոպոլի քաղաքային վարչությունը, իր 1906 թ. օգոստոսի 12-ի որոշմամբ, մի շարք քաղաքացիների նախաձեռնությամբ նորից է բարձրացնում ջրանցքի կառուցման հարցը: Այս անգամ խոսքը վերաբերում էր միայն քաղաքային վարչությանը պատկանող 3000 դեսյատին հողամասի ոռոգմանը: Ոռոգելի տարածության սահմանափակումը բացատրվում է մասամբ

¹ Հայկական ՍՍՏ Զրային մեխանիզացիայի արխիվ, գործ № 393, էջ 641

Գյուղատնտեսական կանոնադրության 120-րդ հոդվածի պահանջով, որի համաձայն ջրի իրավունքը վերապահվում էր հողատիրոջը:

Նորից է սկսվում գրագրության սովորական շարանը՝ Երևանի նահանգապետից մինչև Կովկասի փոխարքան: 1912 թ. փետրվարի 14-ին Քաղաքային վարչությունը իրավունք է ստանում Ախուրյանից 50 րաշ մեկ վայրկյանում 1250 լիտր ջուր ստանալ և սկսել հետազոտման և նախագծման աշխատանքները:

Վերջապես Քաղաքային վարչության 1912 թ. նոյեմբերի 13-ի որոշմամբ հատուկ հանձնաժողով է ստեղծվում աշխատանքների կազմակերպման ու ղեկավարման համար: Հետազոտման և նախագծման աշխատանքները հանձնարարվում են ինժեներ Զավալիշինին, որի ներկայացրած նախագիծը հաստատվեց ինժեներ Հիդրավիկների խորհրդակցության կողմից 1914 թ. հունվարի 3-ին և նույն թվականի մարտի 18-ին հաստատվեց նախահաշիվը՝ 225000 ռուբլի՝ 3000 ղեկավարող տարածությունը ջրելու համար: Շինարարությունը կատարվելու էր չորս տարում: Զավալիշինի կազմած նախագծի համաձայն ջրանցքն սկիզբ էր առնելու Ալեքսանդրոպոլից մոտ 25 կիլոմետր հեռավորության վրա գտնվող Ջրածոր (Ջելար Քելուտ) գյուղի մոտից:

Սկսվում են նախապատրաստական աշխատանքները: Սակայն վրա է հասնում առաջին համաշխարհային պատերազմը: Այդ իրադրության մեջ բնականաբար ժամանակավորապես մոռացվեց ջրանցքի շինարարության այնքան կենսական հարցը, Հետագայում կատարված փորձերը ևս ապարդյուն են անցնում:

Այսպիսով Շիրակի ջրանցքի կառուցումը, որի մասին Շիրակի աշխատավորությունը երազել էր մոտ կես դար, սպասում էր իր լուծմանը:

Այդ հարցի դրական լուծումը տվեց միայն նորաստեղծ Սովետական Հայաստանի բանվորագյուղացիական իշխանությունը:

Դեռ ծանր վերքերը չբուժած երկիրը մեծամասին եղավ Շիրակի ջրանցքի կառուցմանը: 1921 թ., երբ դեռ թուրքական զավթիչներից լրիվ չէր ազատագրվել երկրի զգալի մասը, հայ մարդու ստեղծագործ ու շինարար տենչը, մանավանդ երկրի նոր ու իսկական տիրոջ՝ բանվորի ու գյուղացու անսպառ եռանդն ու վերստեղծման թուխը՝ Կոմունիստական պարտիայի ղեկավարությամբ իրականություն դարձրեց տասնամյակների երազանքը: Ոչ մի երկրում, ոչ մի ուրիշ իշխանություն չէր կարող առաջ բերել այնպիսի խանդավառություն ու խիզախում, ինչպիսին կենսագործեց մեր՝ որբերի և գաղթականների կիսավեր երկիրը:

Ալեքսանդրոպոլի Սովետների գավառային անդրանիկ համագումարում (1921 թ., հուլիս) որոշում է կայացվում, չնայած գոյություն ունեցող ծանր պայմաններին, անմիջապես սկսել ջրանցքի շինարարության աշխատանքները: Ստեղծվում է ջրանցքի շինարարության վարչություն:

Նախ անհրաժեշտ էր վերջնականապես լուծել ջրանցքի ուղղություն, գլխամասի վերջնական վարիանտը: Մի շարք լրացուցիչ ուսումնասիրություններից և մասնագիտական խորհրդակցություններից հետո վերջնականապես հաստատվեց Կապսի վաթիստը՝ որոշ ուղղումներով՝ նախորդ (Ջելար-Քելուտի) վարիանտի փոխարեն:

Ջրանցքի ամբողջ երկարությունը հավասար է մոտ 42 կիլոմետրի, որից սկզբնական 1195 գծ. սաժենը—2545 գծային մետրը անցնում է երեք թունելներով, մնացած տարածությունը՝ բաց առվով:

Ստորև տալիս ենք ջրանցքի առանձին կառուցվածքների հակիրճ նկարագրությունները:

Ջրանցքը սկիզբ է առնում Լենինական քաղաքից մոտ 12 կիլոմետր դեպի հյուսիս-արևմուտք գտնվող Կապս գյուղի շրջակայքից, 779,83 սաժեն — 1661,04 մետր բարձրությամբ ծովի մակերևույթից: Ջրի հոսանքը այստեղ հանգիստ է, ափերը ամուրի Այստեղ գետի ամբողջ լայնությամբ կառուցված է ջրթող ամբարտակ—34,80 մետր երկարությամբ և 4,06 մետր բարձրությամբ: Ամբարտակը կառուցված է բազալտ քարից՝ ցեմենտի շաղախով: Դրսից ամբողջովին երեսպատված է բազալտ քարով: Ամբարտակի մարմնի ձախ կողմում, որտեղից սկիզբ է առնում ջրանցքը, դրված են երկու դոնակ-շլուզներ. մեկը ջուրն ուղղում է առաջին թունելը, մյուսը՝ վաղման շլուզ է:

¹ Անդրանիկ վարչությունը բաղկացած էր Արամ Շահգեղյանից (նախագահ), Արսեն Եսայանից (փոխնախագահ) և շինարարության պետ ու գլխավոր ինժեներ Հովսեփ Տեր-Ասավաժատրյանից: Ապա 1923 թ. Արամ Շահգեղյանի՝ այլ աշխատանքի անցնելու կապակցությամբ, գործի անցավ նոր վարչություն Արսեն Եսայանի նախագահությամբ ու Արմենակ Հովսեփյանի և Հ. Տեր-Ասավաժատրյանի անդամակցությամբ, որը և փառավոր վախճանի հասցրեց այդ ղեկարին գործը:



Նկ. 1. Շիրակի ջրանցքի վարչութիւնը. նստած են աջից ձախ՝ ինժ. Նատայա Մարտիրոսյան, Արմենակ Հովսեփյան (փոխնախագահ), Արսէն Եսայան (նախագահ), ինժ. Ն. Տեր-Ստեփանուրյան (շինարարութեան պետ), ինժ. Օհանյան



Նկ. 2. Ջրանցքի թունելի ելքը

Ամբարտակի շինարարության ընթացքում գետի ջրից պաշտպանվելու համար, աչ փին կառուցվեց մի առանձին ջրատար թունել՝ 48,44 մետր երկարությամբ, 2,1X2,1 կտրվածքով, ժամանակավորապես կառուցված պատենշ-դամբալի օգնությամբ գետի ամբողջ ջուրը ուղղվում էր այդ թունելի միջով և այդպիսով հնարավորություն ստեղծվում համեմատաբար փոքր ջրհան աշխատանքներով կառուցել ամբարտակը, ի վացման շլուզի գերը կարող է կատարել և աջափնյա թունելը: Փակելով նշված շլուզները, գետի ջրի մակարդակը բարձրանում է և թունելի սկզբում կառուցված շլուզի միջոցով ջուրը անցնում է առաջին մեծ թունելը:

Առաջին թունելի երկարությունը՝ սկզբից մինչև Կապսի ձորը 1922,73 մետր է:

Երկրորդ թունելը՝ 432,28 մետր երկարությամբ, սկիզբ է առնում Կապսի ձորում և վերջանում է մի քարոտ շոր ձորակի մեջ, որը հատում է Ախուրյանը:

Երրորդ թունելը՝ 145,12 մետր երկարությամբ սկսվում է նույն ձորակի ձախ բերանից: Այստեղից ջրանցքը բաց առվով հոսում է Շիրակի արգավանդ գաղտով: Առաջին թունելը իր սկզբնական մասում մոտ 400 մետր անցնում է գետին զուգահեռ, փից մոտ 50 մետր հեռավորությամբ: Այս հանգամանքը շինարարության ժամանակ բավական օժանդակեց, հնարավորություն տալով փորելու կողքի բովանցք-զետնանցք մոտ 13 մետր երկարությամբ, մեծացնելով աշխատանքների ճակատը:



Նկ. 3. Թունելի ելքի մոտ: Աջից ձախ՝ Երեմ Բակունց, Արամ Շահգեղյան, Ալեքսանդր Մյասնիկյան, Գարեգին Լևոնյան, Արսեն Ծալյան

Բացի կողքի զետնանցքից աշխատանքի ճակատը մեծացնելու, աշխատանքները արագացնելու ու թունելում օդավերթությունը ավելացնելու նպատակով կառուցված էին ես երկու ուղղահիգ շտուխաններ՝ մեկը մոտ 54 մետր, մյուսը՝ 40 մետր խորությամբ. բացի այդ, աշխատանքները տարվում էին և ճակատամուտքերից՝ պորտալներից: Առաջին թունելում աշխատանքները տարվում էին, թեպետ տարբեր ժամանակներում, ութ տեղից:

Ներկորդ թունելի աշխատանքները տարվում էին միայն երկու կողմից՝ ճակատամուտերից, նրորդ թունելում աշխատանքները տարվում էին երեք կողմից՝ Հյուսիսային ճակատամուտից և երկու կողքի գետնանցքներից, Թունելների վերջնական միացումը և փորման աշխատանքները կատարվել են 1924 թ. օգոստոսի 20-ին, Հաշվելով աշխատանքների սկիզբը 1922 թ. հոկտեմբերի 29-ից, Թունելների փորման աշխատանքները տևել են մոտ 1 տարի 10 ամիս:

Թունելները փորվել են թե՛ ձևերով, և թե՛ մեխանիկական ձևով, ներկորդ և երրորդ թունելներում, Հաշվի առնելով նրանց կարճությունը և այն հանգամանքը, որ աշխատանքները տարվում էին ձմռան ամիսներին, գործադրվում էր բացառապես ձևերի աշխատանք:

Առաջին թունելում գործադրվում էր թե՛ ձևերի, և թե՛ մեխանիկական հորատում:

Մեխանիկական հորատումով աշխատանքները կատարվում էին երկու Ատլաս-դիզելի կոմպրեսորներով՝ 23 ձիու ուժի կարողությամբ: Մեխանիկական ձևով աշխատելիս արտադրողականությունը, իհարկե, երկու անգամ բարձր էր: Պայթուցիկ նյութը հիմնականում դինամիտն էր: Պայթեցման հետևանքով գոյացող հողը տեղափոխվում էր վազոնիկներով: Հորատման ժամանակ տեղամասերը հիմնականում լուսավորվում էին յուղի լապտերներով: Օդափոխությունը ձմեռը կատարվում էր բնական ձևով, իսկ ամառը, երբ դրսի և ներսի ջերմաստիճանները համարյա հավասարվում էին, օդափոխությունը կատարվում էր ճնշված օդով՝ պերֆորատորների միջոցով:

Թունելներն անցնում էին տարբեր ապարների միջով: 1) միաձույլ բազալիտների, որոնք որևէ արհեստական ամրացում չէին պահանջում, 2) տուֆերի միջով, որոնք եթե նույնպես չէին պահանջում փորման ընթացքում որևէ ամրակապման աշխատանք, ապա պահանջում էին երեսպատման աշխատանքներ: 3) խառն կավային, հրաբխային և այլ թույլ շերտերից, որոնք պահանջում էին ամրացման աշխատանքներ անցկացման-փորման ժամանակ և քարի կամ բետոնե շարվածքով երեսպատում:

Ստորև տալիս ենք թունելների ամբողջ երկարությամբ տարբեր շերտերի ապարների դասավորումը.

1. Միաձույլ բազալիտներ	330,77 մ.	13 %
2. Բազալտ կավի միջնաշերտով	542,16 մ.	20 »
3. Նստվածքային ապարներ	938,06 մ.	37 »
4. Բեկորա-անդեզիտային	320,06 մ.	12,5 »
5. Տուֆ	192,06 մ.	7,5 »
6. Խտացած կավ և ավազ	226,11 մ.	10 »
	2550,13 մ.	100 %

Թունելների փորման ընթացքում շինարարները հանդիպել էին մի մեծ դժվարության ևս. համարյա ամբողջ երկարությամբ երևան էին զալիս մեծ քանակությամբ աղբյուրներ և աշխատանքը կատարվում էր ջրով հագեցված շերտերում: Հորերում փորված էին առանձին ջրհորներ, որտեղ հավաքվում էին երևան եկող ջրերը և ապա հատուկ ջրհաններով հանվում դուրս: Ջուրը հանվում էր նաև թունելների հատակում փորված առվակների միջոցով:

Առաջին թունելի սկզբից մոտավորապես 650 մետր հեռավորության վրա կառուցողները անսպասելիորեն հանդիպեցին լողիկ շերտին, որից խուսափելու համար ստիպված եղան որոշ տարածությամբ թունելի հիմնական ուղղությունը փոխել 62 աստիճան անկյունով, ապա նույն անկյունով նորից դուրս գալ հիմնական ուղղությունը՝ անցնելով վտանգավոր շերտը:

Թունելների կտրվածքները տարբեր էին և փոխվում էին նայած անցնող շերտերի տեսակներին: Նրանց երեսպատումը նույնպես տարբեր էր, ըստ անցնող հողաշերտերի տեսակների: Թույլ շերտերում՝ ավազային ու կավային, երեսպատումը կատարված է տաշված բազալտի քարերով: Ավելի ամուր շերտերում, որոնք մեծ ճնշում չէին գործում, երեսպատումը կատարվում էր անմշակ քարի շարվածքով և ցեմենտի սվաղով: Թունելների այն մասերը, որոնք անցնում էին տուֆի միջով, ցեմենտի շաղափով է սվաղված:

Ավելորդ չենք համարում համառոտակի տալ թունելների անցկացման ընթացքում կատարված աշխատանքների քանակը և նրանց արժողությունը.

1. Փորվածքը

ա) բազալտապատում	6311.0 խ. մ.
բ) տուֆապատում	828,40 խ. մ.
գ) նստվածքային և բեկորային ապարներում	11652 խ. մ.
դ) կավի և ավազի	32530 խ. մ.

Ընդամենը 22041,40 խ. մ.

2. Շարվածք

ցեմենտի շաղախով	6091.2 խ. մ.
խամ շարվածք շաղախով	1563.6 »
չ ո Ր	3398,5 »
Ընդամենը	11943.3 խ. մ.

Այսպիսով մի զծային մետր թունելի պատրաստման համար կատարված են.

Փորման աշխատանք	մոտ 9.1 խ. մ.
Քարի շարվածքների ցեմենտի շաղախով	3.3 »
Չոր խամ շարվածք	1.3 »

Մեկ խ. մ. թունելի փորման աշխատանքը արժեք

ա) բաղալուցի	26 ու. 80 կ.
բ) տուֆում	12 ու. 36 կ.
գ) ապարներում, որոնք պահանջում էին ամրակապում 20 ու. 60 կ.	

Թունելի մի գծային մետր փորման միջին արժեքը հավասար էր մոտ 100 ուրլու:

Առաջին 11,7 կիլոմետր (11 վերստ) ջրանցքի արժողությունը ներառյալ 2545,4 մետր երկարությամբ թունելներին հավասար էր 1400.000 շերվոնեց ուրլու, որից 50 տոկոսը Հայաստանի տեղական միջոցներն էին. 50 տոկոսը՝ Անդրժողովուրդի միջոցները:

Բայց դրանով չէր վերջանում Շիրակի ջրանցքի շինարարությունը. անհրաժեշտ էր այն շարունակել երկաթգծից այն կողմ, հասցնելով մինչև Իլիսիարի-Վենիամին գյուղի հողերը՝ անցկացնել մոտ 31 կիլոմետր բաց առու, անհամեմատ ավելի հեշտ պայմաններում, քան առաջին 11,7 կիլոմետրը:

Շիրջրանցքի աշխատանքները լրիվ ավարտվեցին 1929 թ.:

Շիրակի ջրանցքի տնտեսական նշանակությունը. — Ինչպես արդեն նշեցինք, Շիրակի դաշտի բերքատու սեահողը անջրդի պայմաններում տալիս էր անկայուն և սակավ բերք, Գյուղացին, համաձայն մինչ 1914 թ. եղած տվյալները, դժվարությամբ էր ստանում իր շարքաշ աշխատանքի դիմաց միայն եռապատիկ բերքը:

Ախուրյանից ջուր ստանալուց հետո ոչ միայն բերքը կայուն դարձավ, այլև, որ կարևոր է, հնարավորություն ստեղծվեց մշակել Հայաստանում բոլորովին անծանոթ մշակույթ՝ շաքարի ճակնդեղ:


Շաքարի ճակնդեղի մշակությունը հնարավորություն ստեղծեց կառուցել Սպիտակի շաքարի գործարանը: Ինչպես հայտնի է, շաքարի ճակնդեղի մշակման և շաքարի պատրաստման փորձը մեղանում եղել է դեռ 1850—1857 թվականներին երո ներսես Աշտարակեցին էջմիածնում մտցրել էր նորակառույց արհեստական լճի հիման վրա շաքարի ճակնդեղի մշակությունը և շաքարի գործարան էր կառուցել: Բայց այդ փորձը մնացել էր որպես փորձ և միայն 80 տարի անց Շիրակի և ապա Նալբանդի ջրանցքի կառուցմամբ ստեղծվեցին կայուն պայմաններ շաքարի արդյունաբերության զարգացման համար:

Հենց Շիրակի ջրանցքի գործարկմամբ սկսվել էին շաքարի ճակնդեղի մշակման առաջին փորձերը, բայց դրանք եղել են առանձին. եզակի փորձեր. 1928 թ. Լենինականի, Արթիկի և Սպիտակի շրջաններում մշակվել է միայն 12,2 հեկտար, 1930 թ. 142,2 հեկտար, 1931 թ.՝ 503,1 հեկտար, 1932 թ.՝ արդեն միայն Շիրակի ջրանցքի գոտում մշակվում էր 842 հեկտար շաքարի ճակնդեղ: Ինչպես հայտնի է, արդեն 1929 թ. Շիրակի ջրանցքի հիման վրա կազմակերպվեց սովխոզ, որը սկսեց մշակել շաքարի ճակնդեղ, և 1933 թ. արդեն դրա տարածությունը 955 հեկտար էր: 1958 թ. Սովետական Հայաստանում ցանվել է շաքարի ճակնդեղ՝ Ախուրյանի շրջանում (հիմնականում Շիրակի ջրանցքի գոտում)՝ 2240 հեկտար, որից կոլտնտեսություններում՝ 2175 հեկտար: Սպիտակի շրջանում՝ 1440 հեկտար, որից կոլտնտեսություններում՝ 1314 հեկտար: Ընդամենը՝ 3680 հեկտար, որից կոլտնտեսություններում՝ 3489 հեկտար:

Պետք է նշել և այն, որ ինչպես ցույց էին տվել հենց առաջին փորձերը, Հայաստանում մշակվող ճակնդեղը թե՛ իր բերքատվությամբ և թե՛ իր շաքարի պարունակությամբ հետ չէր մնում Ուկրաինայում կամ ուրիշ վայրերում մշակվող շաքարի ճակնդեղից: Գյուղացին շաքար-



Նկ. 4. Թունելի ելքի մոտ՝ Սիջ Զախ՝ Սրեն Կսայան, Հովսեփ Տեր-
Աստվածատրյան, Սարգիս Սրապ՝ ռնյան-Լուկաշին, Երեմ Բակունց,
պրոֆ. Ավետիս Դավանթար, Սարգիս Կասյան, Սուրբաթյան



Նկ. 5. Շիրակի ջրանցքի ակվեդուկը

րապարունակությունը հասնում էր 19,5 0/0-ի, մինչդեռ կուրսկում՝ 17,5 0/0 էր, վրաստանում՝ 14 0/0¹։

Ինքնրստինքյան հասկանալի է, որ շաքարի ճակնդեղի մշակությունը և դրա հիման վրա շաքարի արդյունաբերության զարգացումը էլ ավելի բարձրացրին Շիրակի ջրանցքի տնտեսական նշանակությունը։

Նշենք, որ նախքան Շիրակի ջրանցքի անցկացումը հացահատիկի բերքատվությունը մի հեկտարից հավասար էր շուրջ 5 ցենտների, գարու բերքատվությունը՝ 5,5 ցենտների, մարգագետինների խոտինը՝ մոտ 8,3 ցենտների։

Պաշտոնական տվյալների համաձայն Շիրակի ջրանցքի շրջանում 1959 թ. վաստորեն չրվել է 10 818 հեկտար, այդ թվում շաքարի ճակնդեղ՝ 1930 հ (ամբողջ տարածության մոտ 18 տոկոսը), աշնանացան՝ 2274,5 հ, գարնանացան՝ 2191 հ, եղիպտացորեն՝ 831 հ, կորնգան՝ 1848,5 հ, բանջարանոցներ՝ 447,5 հ, այգիներ՝ 256 հ, այլ ծառատունկեր՝ 367, տնամերձներ՝ 453, գետնախնձոր՝ 86, կտավհատ՝ 142 հեկտար։ 1959 թ. շաքարի ճակնդեղի միջին բերքատվությունը հավասար էր 257 ցենտների, պլանով նախատեսված 238 ցենտների դիմաց։ Յորենի միջին բերքատվությունը՝ 18—19 ցենտներ, գարու բերքատվությունը՝ 22—23 ցենտներ²։ Այսպիսով ցորենի բերքատվությունը ոտողումից հետո բարձրացավ երեք-չորս անգամ։

Լենինականի և շրջակա դյուդեղի բարդավաճման ու կուլտուրական զարգացման համար մեծ նշանակություն ունեցավ ոռոգող ջուրը։ Պետք է նշել, որ մինչև սովետական կարգերի հաստատումը Լենինականը շունք ոչ ջրմուղ և ոչ էլ թիչ թե շատ կանոնավոր կուլուրի Քաղաքի բնակչությունն օգտվում էր ջրհորներից, որոնք մեծ մասամբ գտնվում էին հակասանիտարական պայմաններում և ինչպես Հայաստանի այլ քաղաքներում ու բնակավայրերում (Երևան, Կիրովական և այլն) հանդիսանում էին հիվանդությունների տարածման աղբյուր։ Ջրհորների ջուրը միևնույն ժամանակ շատ կոշտ էր և քանակով անբավարար։

Մի քանի խոսք Լենինականի և շրջակայքի կանաչապատման մասին։ Հին Ալեքսանդրոպոլս ուներ ծուռ, անհարթ, խորդուբորդ փողոցներ, մեծ մասամբ խարխուլ տնակներով, բոլորովին մերկ, անհրապույր տեսք։ Քաղաքում համարյա բացակայում էր բուսականությունը։ Ամբողջ քաղաքում, բացի կայարանից և Չերքեզի ձորից, ծառերի քանակը հազիվ թե մի քանի հարյուրից անցներ։ Եվ այդ սակավաթիվ ծառերը գտնվում էին առանձին ունեռների տների բակերում։ Տեղացիներն այդ մերկությունը բացատրում էին ջրի սակավությամբ և կլիմայական անբարենպաստ պայմաններով։

Ծառատնկման առաջին մեծ և զրական փուլը կատարվեց կայարանամերձ արվարձանում, որտեղ դարասկզբին, օգտվելով ջրի առկայությունից և հողային հարմարությունից, տեղի գծա-մասի պետ, ծառի սիրահար ինժեներ Ս. Յա. Կրակովսկին իր տնամերձ բավական մեծ տարածություն վրա հիմք գրեց մի լավ պուրակի։ Ծառերի տարբեր տեսակներից մի քանիսը ցրտահարվեցին, բայց նորից տնկվեցին և ի վերջո ստացվեց երկաթուղայինների համար մի լավ հանգստյան վայր։ Այդ փուլը ապացուցեց, որ Լենինականի կանաչապատման հարցը հանգում է արհեստական ոռոգմանը և խնամքին։ Շիրակի ջրանցքի գործարկումից հետո Լենինականն սկսեց կանաչապատվել և այժմ իր լայն, գեղեցիկ շենքերով զարդարված փողոցներով, իր կանաչ ծառուղիներով թողնում է հաճելի տպավորություն։

Ջրանցքը տնտեսական մեծ նշանակություն ունեցավ նաև քաղաքի էլեկտրիֆիկացման գործում։ Բանն այն է, որ հին Ալեքսանդրոպոլս ուներ մի փոքրիկ՝ 200 կիլովատանոց մասնավոր ջերմաէլեկտրակայան, որը տպարանի հետ կազմակերպել էր հին մանկավարժ Արմենակ Չախմախսազյանը։ Տարեկան ծախսը հազիվ հասնում էր 60 հազար կվժ.։ Նոր աճող արդյունաբերական Լենինականին անհրաժեշտ էր էլեկտրական ուժի բազա։ Այդ նպատակով Շիրա-ջրանցքի ջրի օգտագործումը նախատեսվում էր գեո նախնական ծրագրով, 1922—1923 թվա-կաններին վերջնական ծրագիրը կազմելիս որոշվեց նաև Լենինականի էլեկտրակայանի տեղն ու կարողությունը։

Պետք է շեշտել, որ հիդրոկայանի կառուցումը և գործարկումը շատ հրատապ և կարևոր խնդիր էր դառնում, երբ 1925 թ. Սովետական Հայաստանը ձեռնամուխ եղավ Իվանովո-Վոզնե-սենսկի բանվորներից նվեր ստացված մանածագործարանի կառուցմանը։

¹ Ի ու մ ե դ ի ն, Ճակնդեղի մշակությունը Հայաստանում, «Նորհրդային Հայաստան», 1932, 22 սեպտեմբերի, № 222 (3618)։

² Ջրային միևնույնությունից Ախուրյանի ոռոգման սխեմայի վարչության 1959 թվա-կանի հաշվետվությունից։

Հիդրոկայանի վերջնական տեղը որոշված էր ջրանցքի գլխամասից մոտ 2,9 կիլոմետր (2 վերստ 362 սաժեն) հեռավորության վրա, այնտեղ, ուր ջրանցքը թունելներից դուրս էր գալիս հարթավայրում:

Շնորհիվ այն հանգամանքի, որ հիդրոկայանը կառուցված է ոռոգման ջրանցքի վրա, նրա արժողությունը Միության այլ հիդրոկայանների համեմատությամբ ավելի ցածր էր:

Ավելորդ չենք համարում նշելու, որ Լենինականի հիդրոկայանը կառուցելու պահին Լիկ-տրակնության պահանջը նախատեսվում էր միայն 1560 կիլովատ, այդ թվում տեքստիլ գործարանին՝ մոտ 883 կվ, բաղարի լուսավորությանը՝ 515 կվ, ապարանին՝ 7 կվ և այլն: Տարեկան ծախսը նախատեսվում էր 5 300 հազար կիլովատ ժամ: 1959 թ. Լենինականը սպառում էր մոտ 28 միլիոն կվժամ, այդպիսով սովետական տարիներին ծախսը աճել է համարյա 450 անգամ:

Պետք է նշել, որ 40-ական թվականներից արդեն զգացվում է ոռոգման ջրի պակասը, մասնավորապես Լիկ հաշվի առնվի հիդրոկայանի պահանջը: Լիկ իսկ պատճառով հնարավորություն չկա ջրանցքի հիման վրա էլ ավելի ընդարձակել շարքի ճակնդեղի տարածությունը: Այժմ օրվա հրատապ խնդիր է դարձել նոր հողերի օգտագործման հարցը: Ախուրյանի աջափնյա մաշ սեւմ, Բայանգուրի հարթավայրի և այլ տեղամասերի օգտագործման հարցը: Այլ քանի որ այժմյան դրությամբ Ախուրյանը ի վիճակի չէ բավարարելու ջրի սուր կարիքը, ապա անհրաժեշտ է որոնել ջրապահեստների նոր միջոցներ, առաջին հերթին ձեռնարկել Ախուրյանի ջրամբարի կառուցմանը: 1950 թ. արդեն կառուցված և շահագործման է հանձնված Լերիի լճի ջրամբարը՝ Ղուկասյանի շրջանում:

Ջրանցքի կառուցողները. — Պետք է նշել, որ Ախուրյանի ձորում պատենշի կառուցումը և թունելների փորման աշխատանքները, մասնավորապես այնպիսի դժվարին երկրաբանական պայմաններում, ինչպիսիք գոյություն ունեն տվյալ դեպքում, պահանջում էին հատուկ եռանդ և փորձառություն: Բոլոր դժվարությունների վրա հարկավոր է ավելացնել նաև նորաստեղծ Սովետական Հայաստանի ծանր պայմանները: Այլ իրավացի էր այն ժամանակվա ժողովուրդի նախագահ Լուկաշինը, որը 1925 թ. հունիսի 21-ին, Շիրակի ջրանցքի բացման առթիվ, գրում էր.

«Դժվարագույն տնտեսական պայմաններում, հրաժարվելով իր ամենանվազագույն պահանջների բավարարումից, բանվորն ու գյուղացին ձեռք-ձեռքի տված՝ հորհրդային իշխանության ղեկավարությամբ, մոտավորապես երկու ու կես սարվա ընթացքում հայտնաբերեցին չտեսնված տոկոսություն, զոհաբերություն, այնքան գիտակից պատրաստակամություն ու հաղթելու երկաթյա կամք»:

Շիր-Լեն-ջրանցքը մի հսկա կոթող է, որ ընկճեցնում է մեր թշնամիներին ու հակառակորդներին և, որ պլանվորն է, բանվոր-գյուղացիական մասսաներին չտեսնված հավատ է ներշնչում իրենց ուժերի, իրենց ապագայի նկատմամբ: Շիր-Լեն-ջրանցքը սոցիալիզմի մի զգալի մասն է կազմում մեր սոցիալիստական հայրենիքում:

Սոցիալիզմը գեղարվեստական հերիաթ կամ ապագայի երազանք չէ:

Սոցիալիզմը համառ, տոկուն, մասսայականորեն հայտնաբերվող գիտակից ու կազմակերպված ստեղծագործություն է, որ իր առաջ այնքան դժվարություններ, դեռ այնքան խոչընդոտներ ունի:

Շիր-Լեն-ջրանցքն աշխատանքի հաղթական կոթողն է:

Թող նա օրինակ լինի մեր այսօրվա և վաղվա սոցիալիստական ստեղծագործության համար»:

Այո, այսօր ևս, համարյա 35 տարի անց, հիացմունք ու հարգանք են ներշնչում ջրանցքի կառուցողների մեծ բանակը, շինարարության պարտիական կազմակերպիչներն ի դեմս Լևոն Ծահղելյանի, Լևոն Նսալանի, Լևոնակ Հովսեփյանի, Լևոնակ Թորմաջյանի:

Կառուցողների եռանդուն բանակի հրամանատարն էր հայտնի ինժեներ Հովսեփ Տեր-Աստվածաբանը: Նա 1922 թ. ղեկավարեց, ստանձնելով այդ պատասխանատու պաշտոնը, եռանդուն կերպով գործի կապով: Առաջին հերթին անհրաժեշտ էր ստեղծել միջին և կրտսեր հրամանատարների մի ուժեղ ջոկատ, որը և հաջողվեց նրան:

Համարյա աշխատանքի անցնելուն պես նա աշխատակցության հրավիրեց կին ինժեներ Նատալյա Մարտիրոսյանին. այդ բնարությունը շատ հաջող էր և լավ արդյունք ունեցավ: Նատալյա Մարտիրոսյանն այն հազվագյուտ կին ինժեներներից էր, որին հաջողվել էր բարձրա-

¹ «Հորհրդային Հայաստան», 1923, 21 հունիսի, № 140 (194):

գույն կրթություն ստանալ նախառնություն ծախսեր պայմաններում, 1922—1923 թվականներին Շիրակի՝ վերին աստիճանի ցուրտ եղանակներին, երիտասարդ կին ինժեները անձնվիրաբար կատարում էր իր հետազոտությունները Ախուրյանի անմատչելի ձորում, պատնեշի տեղի և թունելների վերջնական հետազոտությունը 1923 թ. մայիսից նա ստանձնում է շինարարության տեխնիկական բաժնի ավագ ինժեների պատասխանատու աշխատանքը։ Նրա անմիջական մասնակցությամբ մշակվում են Ախուրյանի ձորում կառուցվող պատնեշի, թունելների, ջրանցքի բոլոր արհեստական կառուցվածքների նախագծերը։ Այստեղ պետք է նշել, որ Ն. Մարտիրոսյանի ինժեներական ունակությունները էլ ավելի ցայտուն կերպով դրսևորվեցին հետագայում, երբ Շիրակի ջրանցքի աշխատանքներն ավարտվելուց հետո իր ղեկավար Տեր-Աստվածատրյանի ու այլ մասնագետների հետ աշխատանքի անցավ Հայաստանի Ջրային տնտեսության վարչությունում և ապա մինիստրությունում։

Շիրջրանցքի կառուցման աչքի ընկնող հրամանատարներից էր նաև Ալեքսեյ Ալեքսեևիչ Յակիմովը։ Նա ղեկավարում էր ամենապատասխանատու աշխատանքները՝ պատնեշի պոռնցումը և թունելների անցկացումը։ Նա աշխատում էր ծանր պայմաններում, երբ կապում չկային ոչ բնակարանային, ոչ կոմունալ, ոչ սննդի նորմալ պայմաններ, նա անձնվիրաբար տանում էր իրեն հանձնարարված գծավարագույն աշխատանքները։

Այնպիսի մի շինարարությունում, ինչպիսին Շիրակի ջրանցքն էր, պետք է ուժեղ և ամուր լինեին վարպետների, արհեստավորների և բանվորների բանակը։ Եվ նա իրոք այդպիսին էր։ Սրանց թվում աչքի էին ընկնում Գարեգին Նալդրանյանը՝ պրոֆիհագոր, 1918 թ. պարտիայի անդամ, վականագործ Սերգո Գյուլեցյանը, տոհմական բարտաշ-որմնադիր Միրզաջան Հովհաննիսյանը, որ ավելի շատ հայտնի էր Վարպետ Միրզաջան անունով և որի աշխատանքային գործունեության 40-ամյակը Հենինականի աշխատավորությունը տոնեց ջրանցքի բացումից մի քանի օր անց։ Նա իր արհեստով աշխատել էր մի քանի բաղաձայններում՝ Բարվում, Դոնի շրջանում, Թիֆլիսում, Երևանում և այլն։ 1920 թ. Նոյեմբերի հետո նա գալիս է Ալեքսանդրոպոլ և ակտիվորեն մասնակցում Մայիսյան ապստամբությանը, մտնում է Կոմպարտիայի շարքերը։

Ոչ պակաս հմտություն ու փորձ ցուցաբերեցին տոհմային բարտաշ և որմնադիր հույն վարպետ Դիորգի Պոլիցիդին, բանվորներ Աղասի Դարբինյանը, Դմիտրի Խրիստաֆորովը, Վլադիմիր Մանջվիձեն, Սանասար Դարբինյանը, Համբարձում Հարությունյանը, Կոնստանդին Լիպարիդին և շատ ուրիշներ։

Ահա և ուստա Մացակը, կամ ինչպես տեղացիներն են անվանում նրան, Թամրազենց Մացակը։ Սա հայտնի էր ոչ միայն որպես հմուտ հյուսն, այլև որպես որմնադիր ու բարտաշ, որը մինչև Շիրակի ջրանցքի շինարարությունը մասնակցել էր Թիֆլիսի Ներսիսյան դպրոցի նոր շենքի կառուցմանը, ինչպես և Էջմիածնի Վահարաճի և այլ նշանավոր շենքերի կառուցմանը։

Ուստա Մացակը բանվորների շրջանում հռչակված էր որպես ինքնուս բանաստեղծ։ 67-ամյա ծերունին մի խանդավառ ոտանավոր նվիրեց Շիրջրանցքին («Հարսանիքը Հենջրանցքին»), որի սկզբի տողերը գետնից ենք ստորև։

Եկեք, եկեք, Հենինական բաղաբացիք,
Մեր շրջանի բազմաշարշար խելճ գյուղացիք,
Որ դարերով մեր դաշտերի կուրծքն եք ձեղքել,
Ձի-գութանի սուր խովերով մի կերպ ապրել։
Վար ու ցանրը դուք արել եք դատարկ հույսով,
Պահ եք տվել սերմը հողին ձեր աղոթքով։
Արտ ու այգի աղոթքներով շեն կանաչում,
Եթե նրան առատ-առատ դու չես ջրում։

Ջրանցքի լացումը.— Ինչպես հայտնի է, 1925 թ. մարտի սկզբներին Անդրկովկասի երեք եղբայրական ռեսպուբլիկաները բացառիկ հրճվանքի օրեր էին ապրում։ Մարտի 3-ին Թիֆլիսում իր աշխատանքներն սկսեց Միութենական Կենտրոնագործկոմի երրորդ նստաշրջանը։ Թիֆլիս էին ժամանել Կոմունիստական պարտիայի և Սովետական կառավարության ականավոր գործիչներ, որոնք նստաշրջանից հետո այցելեցին նաև Ադրբեջանի ու Հայաստանի բաղաձայններն ու մի շարք այլ բնակավայրեր, արդյունաբերական ու շինարարական կենտրոններ։

Մարտի 8-ին արտաքին գործերի ժողովում Չիլդերին, Բուդյոնին և ուրիշներ ժամանեցին Հենինական։ Դիտելով մի շարք հիմնարկներ, այցելելով Պոլիգոնը, որտեղ տեղավորված էին

ամերիկյան որբանոցները, հյուրերը ևղան Շիրակի ջրանցքի շինարարությունում, որտեղ պետք է կատարվեր ջրանցքի փորձարկումը:

Հյուրերը ոտքով անցան ամբողջ թունելը՝ մինչև Ախուրյանի պատմական ձորում կառուցված պատնեշը: Պատնեշի մոտ կառուցողների կողմից հյուրերին ուղղունեց փականագործ Սերգեյ Գյուլեցյանը: Ժամը 15-ն անց 45 րոպե առաջին անգամ իջեցվում են պատնեշի արգելակները: Պատնեշի առաջ Ախուրյանի ջուրն սկսում է բարձրանալ: Մի ժամ անց՝ ժամը 16-ն անց 14 րոպեին սեղմվում է լիկորական կոճակը. պայթում է թունելի սկզբում շինված փայտյա փականը և ջուրն սկսում է հոսել:

Հավաքված բանվորները, շրջակա գյուղերի գյուղացիությունը մեծ ոգևորությամբ են ընդունում ջրի հոսանքը: Ախուրյանի նեղ բազալտյա կիրճում պատմության մեջ առաջին անգամ զինվորական նվազախումբը նվազում է պարտիական հիմնը՝ Ինտերնացիոնալը: Փորձարկումը հաջող անցավ և մեծ տպավորություն գործեց ներկա ևղողների վրա:

Անցավ ևս մի քանի ամիս, և մի կիրակի օր՝ հունիսի 21-ին, Նիրակի դաշտի աշխատավորությունը՝ ամբողջ Սովետական Հայաստանի աշխատավորությունը, տունում էր մեծ տոն՝ Շիրակի ջրանցքի պաշտոնական բացումը: Ի շարս բազմաթիվ հյուրերի, բացման հանդեսին ներկա էին Ֆրիտիոֆ Նանսենը իր ղեկավարած հանձնաժողովի անդամների հետ, Անդրկովկասյան ֆեդերացիայի ղեկավարներ և մի շարք այլ անձինք:

Ֆրիտիոֆ Նանսենն իր հայտնի աշխատության մեջ հատուկ էջ է նվիրել Շիրակի ջրանցքի բացմանը: Նկատի ունենալով այդ էջերի անշափ հետաքրքիր լինելը, մենք ավելորդ չենք համարում քաղվածորեն մեջ բերել գրանքը:

«Ուսկայն բուլշիկները — գրում է Նանսենը, — Լուանդուն կպան գործի, և ուղղակի անհասկանալի է թվում, թե ինչպիսի արդյունքների են հասել նրանք շատ համեստ միջոցներով սակավ տարիների ընթացքում: Այնտեղ, ուր իշխում էին քաոսը, թշվառությունը և սովը, հաստատվեց կարգ ու կանոն: Այսօր բոլորը վերելքի ուղին էն բռնել, հասարակության օրգանիզմը զարգանում է շնորհիվ կառավարության ձեռներեցության:

Հինգ տարվա շնորհալի և Լուանդուն աշխատանքի շնորհիվ պարագաները զգալիորեն փոխվել են, երկրի որոշ մասերում հիմա թեթև ավելի լավ է, քան պատերազմից առաջ»:

Անցնելով ջրանցքի բացման տոնակատարությանը, Նանսենը գրում է.

«Դաշտի բոլոր ճանապարհներով կատարյալ ժողովուրդների գաղթ էր տեղի ունենում տղամարդիկ, կանայք և երեխաներ ամեն հասակի, ոտով գնացող և ամեն տեսակի կառքերի մեջ լեփ-լեցուն մարդիկ: Կառքերը ևզներ կամ ձիեր լծած՝ զարդարված խայտաբղետ ժապավեններով, հազարավոր զինվորներ ձիով ու ոտով — բոլորը ուրախ և տոնական տրամադրությամբ»:

Ցերեկվա ժամը մոտ 12-ին Ժողովխորհի նախագահ Սարո Համբարձումյանը և ուրիշներ փակում են պատնեշի շլուզի դռնակները: Ախուրյանի ջրի մակարդակը բարձրանում է, Կառավարության նախագահը և պաշտոնական անձինք բաց են անում թունելի առջևի շլուզի դռնակները: Դռնակի անիվի պտտացնողներից մեկն էր նաև Ֆրիտիոֆ Նանսենը:

Ախուրյանի ժայռոտ խոր ձորը թնդում է ժողովրդի հրճվանքի ձայներից, կեցցենների և ուռանների բացականչություններից: Հենց ձորում կայանում է բացման հանդեսն ու միտինգը: Թունելներից դեպի բաց առուն, դեպի Շիրակի լայնածավալ դաշտը սկսեց արագորեն հոսել ջուրը:

Մի շարք պաշտոնական ուղեւորներից հետո ելույթ ունեցավ Ֆրիտիոֆ Նանսենը, որին հավարված բազմությունը ընդունեց արտակարգ օվացիաներով: Նանսենը իմիջիայլոց ասում է.

«Ես ինձ բախտավոր եմ զգում, որ ներկա եմ այսօրվա մեծ հանդեսին: Հայ ժողովուրդը ամենից շատ է տառապել համաշխարհային պատերազմից: Այն բազմաթիվ ավերածությունների հետքերը, որ նկատելի են ձեր երկրում, ապացույց են դրան: Սակայն հայ ժողովրդի ջանասիրությունը և Լուանդը այժմյան խաղաղ պայմաններում մեծ գործեր կարող են կատարել: Ես հավատացած եմ, որ այս ջրանցքին պիտի հետևեն ուրիշ ջրանցքներ, և շինարարության ուրիշ օրինակներ»:

Երեկոյան տեղի ունեցավ Կենտգործկոմի հանդիսավոր նիստ:

¹ Fridtjof Nansen, Bertrogenes Volk, Leipzig, 1928, էջ 326: Fridtjof Nansen, L'Arménie et le proche Orient, Paris, 1928, էջ 179—181: «Նոր ուղի», Երևան, 1930, № 4—5, էջ 114:

Շիրակի ջրանցքը գրականության մեջ.— Դժվար թե Սովետական Հայաստանի մի որևէ նորակառույց այնքան արտացոլված լինի գրականության մեջ, որքան Շիրակի ջրանցքը, և դարձական է 21 որ ջրանցքը նորաստեղծ Սովետական Հայաստանի շարքաշ բանվորության ու գյուղացիության ստեղծագործ աշխատանքի առաջին պտուղն էր, առաջին մեծ գործը:

1921 թ., երբ դեռ նոր էին սկսվել Շիրակի ջրանցքի աշխատանքները, Ազատ Վշտունու խմբագրած «Մուրճ» ամսագրում լույս տեսան Գուրգեն Մահարու և Նաիրի Զարյանի բանաստեղծությունները նվիրված Շիրակի ջրանցքին:

Պրոլետարական մեծ բանաստեղծ Հակոբ Հակոբյանը իր հայտնի «Բուլշևիկ է Շիրականալը» պոեմում գովերգեց Շիրակի ջրանցքի մեծ ու գեղեցիկ շինարարությունը: Պոետը միաժամանակ գովերգում է Շիրակի դաշտի ապագան.

Բուլշևիկ է Շիրականալը... այն վայրերը լերկ ու բարբադ,

Որոնք իրենց ծնված օրից այրի էին—մերկ անապատ,

Այսօրից հետ հագնելու են սիրակաբոտ հարսների պես...

Շինարարությանն են նվիրված «Հոկտեմբեր» միության հրատարակությամբ Գուրգեն Մահարու «Շիրակի ջրանցքը», Ն. Զարյանի «Ջրանցքի կապույտ երկրում», Մկրտիչ Արմենի «Շիրականալը», «Կանալը», «Կանալը Լենինականի» գործերը: Ապա լույս են տեսնում Գ. Սարյանի «Շիրակի հարսանիքը», Սարմենի «Դաշտերը ժպտում են» բանաստեղծությունները: Շիրակի ջրանցքին պոեմներ են նվիրում Ալազանի՝ «Շիրակի դաշտ», «Շիրականալ», Սողոմոն Տարոնցին՝ «Լուկաշին»: Շիրակի ջրանցքի շինարարության պատի տեղակալ Արմենակ Հովսեփյանը շինարարության նկարագրությանն է նվիրել իր «Շիրակի ջրանցքը» գրքույկը, որը լույս է տեսել 1924 թ.: 1925 թ. Եղիա Չուրարը լույս է բնծայում իր «Ջրանցքներ» գրքույկը, Եղիշ Զարենյը լույս է բնծայում իր «Գյումրի» պոեմը:

ШИРАКСКИЙ КАНАЛ ИМЕНИ ЛЕНИНА

Г. В. ШИРМАЗАН

(Р е з ю м е)

В первые же годы установления Советской власти в Армении было начато строительство одного из сложных гидротехнических сооружений того времени — Ширакского канала. Ширакское плато, на котором расположен гор. Леникан, несмотря на высокую отметку (1470—1600 метров над уровнем моря), еще в древности славилось своим плодородием. Однако все же урожаи были низкими, особенно в засушливые годы. Для обеспечения высокой урожайности и поднятия культуры земледелия необходимо было искусственное орошение. Единственный водосточник — река Ахурян — протекает в глубоком ущелье, и для вывода воды из него необходимы были значительные и трудные в техническом отношении работы. Провести такие работы своими средствами земледельцы не имели возможности. Надеяться на государственную помощь в до-революционные годы было безнадежно.

Трудящиеся Армении под руководством Коммунистической партии смело взялись за выполнение этой трудной работы. Бурная горная река на отметке около 1700 метров была перекрыта водосливной плотиной длиной в 34,7 и высотой в 4,05 метра. Через приемный шлюз вода поступает в первый тоннель длиной 1922,73 метра, затем во второй (482,28 м) и третий (145,12 м). Начальная часть Ширакской оросительной системы до пересечения с железной дорогой с лета 1925 г. была пущена в эксплуатацию. Открытие Ширакского канала, состоявшееся 21 июня 1925 г., превратилось в большой праздник для армянского народа.

Экономическое значение Ширакского канала велико не только для Лениканского плато, но и в целом для Советской Армении. Средняя урожайность пшеницы после применения орошения поднялась до 15—19 центнеров, ячменя — до 22—23 центнеров, т. е. в три-четыре раза. С пуском Ширакского канала и со строительством Лениканской ГЭС впервые в Армении в сельскохозяйственный оборот была введена новая ценная культура — сахарная свекла и разрешен также вопрос электроснабжения Леникана, Артика и окрестных сел.